

onbedechtig seynes eydes das frevelich geubet, hette ich onn gerne belagt, getrauthe ich keyn rechts erlangen. Derhalben magk euer f. g. dorch befehel aber wy es euer g. gefelt vorschaffenn, das solchgs gerechtfertiget werde, wenn ich getrawe in solchgen zwangk und nyder wyllen nicht vorzustehen und zu regiren, so man nicht vil dy statuta
5 und was recht ist halden.

Auch genediger herre ist es eyn wanheyt, das man dy lecciones auch respon- siones aber questiones czu disputiren aber czu lesßenn thuen mit wust und willen eynß techancz, das denne auch nicht geschyet; sy lasßenn drucken und leßenn aber resumiren offentlich was sy wollen, auch keyne questiones, dy man sal disputiren, weysen sy dem
10 dehent und fragen glat nichts nach om und ist keyn forcht noch ghorsam, derhalben euer f. g. vorzeichge mir eyn solch lang vorzeichnung, nemellich das ongehorsammes halben, so ist es doch von nothen, wen wy solchgs nicht hengelegt wurt, weyß ich nichts guthes zu handeln und wer vil meher anczuzeigen, derhalbenn vil ich iczund euer f. g. onderrichet demuttiklich habenn.

15 Euer furstlich gnaden onderteniger Symon Pistoris, doctor czu Leipzigg.

Dem durchlauchtigen hochgebornen furstenn und hern, hern Georgen herczog czu Sachßen, in Frißland erblicher gubernator des reychs, landgraffen in Doringenn, margraffen czu Meyssen, meinem gnedigen libenn hernn czu eygen henden.

340.

20 *Die Doktoren der Juristenfakultät beschwerten sich bei Herzog Georg über einige jüngere Doktoren, welche die Statuten und Gewohnheiten der Fakultät angefochten haben.* Leipzig, 1523 Jan. 10.

Hdschr.: Or. Pap. Hauptstaatsarchiv Dresden Leipziger Händel 1519—1526 loc. 9884 fol. 49—50.

Durchleuchtiger hochgebornner furste unnd herr. Euernn furstlichenn | gnadenn seint unnsere unnderthenige ganntz gehorsame diennste mit allin | vleis zuvorann bereit.
25 Gnediger herr. Euernn furstlichen gnadenn | werdenn wir geursacht unnderthennig- lichenn zu vormelden, wie das e. f. g. iuristenschul alhier bisher ettliche eerliche nutz- liche statuta unnd gewonheitenn gehalten, die eintrechtiglichenn unnd ane alle zuruckunge bey allenn unnserrn vorfarnen uber mennschen gedennkenn also gebraucht wordenn sein, dermaß das dergleichenn aynis fridlich unnd statlich collegium iuris inn
30 ganntzer Deutschenn nation nicht zu befinden gewest, unnd wiewol unnsere alter ordi- narius, er Simon Pistoris doctor, nach solchenn statutenn unnd gewonheitenn unnsere facultet lengst hievor aus unnserrn beschlos ynn unnsere buch mit seyner eigenn hannt getzeihennt, welche inn kunfftigen actibus promotores, presentatores, vicecancellarii unnd predicatores seint solten, nach welchem vorzeichnis sich alle doctores hievor ane
35 alles widersprechn eintrechtiglich unnd bruderlich gehalten, nicht destorweniger habenn sich er Alexander vonn Zwein, er Augustinus Tirolfft unnd er Haynricus Eber- hausenn doctores, iungst ym examen baccalariandorum yn gegenwertigkeit egenantes